

**Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH**



**Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ**



---

*Islahijet 8, telefon 049 218-220, faks 049 218-438  
Ислахијет 8, телефон 049 218-220, факс 049 218-438  
[www.revizija-bd.ba](http://www.revizija-bd.ba)*

Broj:01-02-03-13-232/16  
R: 08-03; 09-03/16

**IZVJEŠTAJ  
O REVIZIJI FINANSIJSKOG POSLOVANJA  
ODJELJENJA ZA RASELJENA LICA, IZBJEGLICE I STAMBENA PITANJA  
BRČKO DISTRIKTA BiH  
za period od 01.01. do 31.12.2015. godine**

**Brčko, maj 2016. godine**

## SADRŽAJ

NEZAVISNO REVIZORSKO MIŠLJENJE.....	3
1. REZIME DATIH PREPORUKA.....	5
2. UVOD.....	7
3. OPĆI DIO .....	7
4. PREDMET, CILJ I OBIM REVIZIJE .....	7
5. OSVRT NA NALAZE I PREPORUKE IZ PRETHODNE REVIZIJE .....	8
6. NALAZI I PREPORUKE.....	8
6.1. Rukovodstvo i sistem internih kontrola .....	8
6.2. Usklađenost sa zakonskim propisima.....	9
6.3. Plan i realizacija planom predviđenih zadataka .....	10
6.4. Prihodi i primici.....	10
6.5. Planiranje i izvršenje budžeta.....	11
6.5.1. Tekući grantovi .....	11
7. KOMENTAR.....	17
PRILOG .....	18

**Bosna i Hercegovina  
Brčko distrikt BiH  
URED-KANCELARIJA ZA REVIZIJU  
JAVNE UPRAVE I INSTITUCIJA  
u Brčko distriktu BiH**



**Босна и Херцеговина  
Брчко дистрикт БиХ  
КАНЦЕЛАРИЈА-УРЕД ЗА РЕВИЗИЈУ  
ЈАВНЕ УПРАВЕ И ИНСТИТУЦИЈА  
у Брчко дистрикту БиХ**



*Islahijet 8, telefon 049 218-220, faks 049 218-438  
Ислахијет 8, телефон 049 218-220, факс 049 218-438*

[www.revizija-bd.ba](http://www.revizija-bd.ba)

**ODJELJENJE ZA RASELJENA LICA, IZBJEGLICE I STAMBENA PITANJA  
n/r šefa Odjeljenja**

## **NEZAVISNO REVIZORSKO MIŠLJENJE**

### **Predmet revizije**

Izvršili smo reviziju finansijskog poslovanja Odjeljenja za raseljena lica, izbjeglice i stambena pitanja Vlade Brčko distrikta BiH (u daljem tekstu: Odjeljenje) za period od 01.01. do 31.12.2015. godine, te reviziju usklađenosti poslovanja s važećim zakonskim i drugim relevantnim propisima.

### **Odgovornost rukovodstva**

Šef Odjeljenja je odgovoran za finansijsko poslovanje Odjeljenja i usklađenost poslovanja iz svoje nadležnosti sa važećim zakonskim i drugim propisima, programom rada i odobrenim pozicijama budžeta. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje i otkrivanje materijalno značajnih grešaka u finansijskom poslovanju kao primjerenost i ponašanje revidiranog Odjeljenja nad sredstvima i imovinom koja mu je data na upravljanje.

### **Odgovornost revizora**

Naša je odgovornost da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, broj 40/08 i 29/14) i primjenljivim okvirom ISSAI revizijskih standarda (Službeni glasnik Brčko distrikta BiH, broj 3/15). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne greške, te da je poslovanje usklađeno s važećim zakonskim i drugim relevantnim propisima.

Revizija je uključila sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, odobrenim i izvršenim pozicijama budžeta. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, u cilju osmišljavanja revizorskih postupaka

koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

#### Osnov za izražavanje mišljenja:

Nakon obavljene revizije finansijskog poslovanja za period 01.01.-31.12.2015. godine skrećemo pažnju na sljedeće:

- Dio realizovanih sredstva za projekat „Obnova individualnih stambenih objekata raseljenih lica i povratnika u Brčko distrikt BiH“, je dodjeljivan korisnicima koji nisu ispunjavali opće (eliminatorne i obavezujuće) kriterije u dijelu koji se odnosi na dokazivanje statusa raseljenog lica, izbjeglice ili povratnika, što nije u skladu sa Zakonom o izbjeglicama iz BiH i raseljenim licima u BiH i Uputstvom o načinu i procedurama odabira korisnika projekta povratka i rekonstrukcije stambenih jedinica BiH.
- Dio realizovanih sredstava za projekat „Izgradnja i sanacija kuća oštećenih u elementarnim nepogodama (poplave/klizišta) u periodu April-Maj-Avgust 2014. godine” nije namjenski utrošen, odnosno nije obezbijedena zakonitost, svrsishodnost i efikasnost u raspolaganju odobrenim budžetom za ove namjene, što nije u skladu sa Zakonom o izvršenju budžeta za 2015. godinu.

#### Mišljenje s rezervom

Po našem mišljenju osim mogućih efekata napomena datih u prethodnom pasusu, finansijsko poslovanje Odjeljenja u toku **2015. godine**, u materijalno značajnim aspektima je bilo usklađeno s važećom zakonskom regulativom.

Zamjenici glavnog revizora

Amra Ilić, dipl. oec.

---

mr. sci. Savo Grujić, dipl. oec.

---

Glavni revizor

Nekir Suljagić, dipl. oec.

---

## 1. REZIME DATIH PREPORUKA

Izvršenom revizijom finansijskog poslovanja Odjeljenja za 2015. godinu konstatovali smo određeni broj propusta i nepravilnosti, a u cilju otklanjanja istih, dali smo slijedeće preporuke:

- *Potrebno je obezbijediti uspostavu i dosljedno funkcionisanje internih kontrola pri popunjavanju upražnjene pozicije rukovodećeg državnog službenika, pri dodjeli grantova za obnovu stambenih jedinica raseljenih lica i povratnika i sanaciju objekata oštećenih elementarnim nepogodama.*
- *Potrebno je popunjavanje upražnjene pozicije rukovodećeg službenika vršiti dosljednom primjenom Zakona o državnoj službi, u dijelu poštivanja načina popunjavanja i rokova za raspisivanje javnog konkursa.*
- *Potrebno je blagovremeno donijeti Rješenje o produžavanju privremenog premještaja.*
- *Potrebno je da Odjeljenje realizuje planirane projekte iz svoje nadležnosti, predviđene Programom rada za 2015. godinu.*
- *Potrebno je da Odjeljenje prilikom sačinjavanja obrazloženja o realizaciji budžeta dosljedno primijeni odredbe Pravilnika o finansijskom izvještavanju i godišnjem obračunu budžeta, a naročito u dijelu obuhvatanja svih prihoda i primitaka, kao i rashoda i izdataka koji se odnose na tekuću godinu i suštinskog obrazloženja uzroka i posljedica odstupanja značajnih pozicija u odnosu na plan i izvršenje prethodne godine.*
- *Potrebno je odabir korisnika izvršiti u roku predviđenom Odlukom gradonačelnika.*
- *Potrebno je, prilikom odabira korisnika u projektu obnove individualnih stambenih objekata raseljenih lica i povratnika, poštivati opće i posebne kriterije propisane Zakonom o izbjeglicama iz BiH i raseljenim licima u BiH i Uputstvom o načinu i procedurama odabira korisnika projekta povratka i rekonstrukcije stambenih jedinica BiH.*
- *Potrebno je dosljedno poštivati odredbe Zakona o budžetu Brčko distrikta BiH i Zakona o izvršenju budžeta za 2015. godinu, u dijelu namjenskog trošenja sredstava, zakonitog, efikasnog i ekonomičnog raspolaganja odobrenim budžetom.*
- *Potrebno je poštivati odredbe Zakona o izvršenju budžeta Brčko distrikta BiH za 2015. godinu, u dijelu efikasnog upravljanja odobrenim budžetskim sredstvima.*
- *Potrebno je dosljedno poštivati Program za otklanjanje i ublažavanje posljedica nastalih elementarnim nepogodama u dijelu predviđenih rokova za zaključivanje ugovora.*
- *Potrebno je da Odjeljenje definiše mjerljive i precizne kriterije, kao i način dokazivanja kategorizacije oštećenog objekta, kako bi se zadaci predviđeni Programom za otklanjanje i ublažavanje posljedica nastalih elementarnim nepogodama u roku, efikasnije i efektivnije izvršili.*

- ***Potrebno je poštivati Zakon o izvršenju budžeta i Program u dijelu namjene korištenja sredstava grantova.***
- ***Potrebno je obezbijediti neophodne uslove, odnosno izvršiti pripremne radnje prije uvođenja Izvođača u posao, kako bi predmetni radovi bili izvedeni u ugovorenom roku.***

## **NALAZI I PREPORUKE OBAVLJENE REVIZIJE FINANSIJSKOG POSLOVANJA ODJELJENJA ZA RASELJENA LICA, IZBJEGLICE I STAMBENA PITANJA VLADE BRČKO DISTRIKTA BiH ZA 2015. GODINU**

### **2. UVOD**

Obavili smo reviziju finansijskog poslovanja Odjeljenja na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima na osnovu godišnjeg plana revizija.

### **3. OPĆI DIO**

Odjeljenje je, u skladu sa Statutom Brčko distrikta BiH i Organizacionim planom Vlade Brčko distrikta BiH, nadležno za provođenje zakona i propisa mjerodavnih organa i institucija BiH i Brčko distrikta BiH (u daljnjem tekstu: Distrikt) iz oblasti stambenih odnosa, imovinskih i stambenih pitanja izbjeglih i raseljenih osoba, rješavanje po zahtjevima nosilaca stanarskih prava i prava raseljenih lica na alternativni smještaj, uvođenje u posjed nosioca stanarskih prava, vođenje evidencije o izbjeglim i raseljenim osobama te utvrđivanju statusnih prava raseljenih osoba, stambeno zbrinjavanje socijalnih kategorija stanovništva Distrikta, kao i za pripremu i realizaciju programa obnove stambenih jedinica.

Unutrašnja organizacija Odjeljenja utvrđena je Organizacionim planom, a u cilju zakonitog, potpunog, efektivnog i racionalnog rješavanja poslova iz okvira prava i dužnosti ovog Odjeljenja, ostvarivanju potpune zaposlenosti i maksimalne upotrebe stručnog znanja zaposlenika, te potpune odgovornosti i učinkovitog rukovođenja, sistematskog unapređivanja rada i saradnje s drugim organima.

Odjeljenje se sastoji od sljedećih organizacionih dijelova:

1. Pododjeljenje za rješavanje stambenih potreba raseljenih lica, socijalnih kategorija stanovništva i obnovu stambenih jedinica povratnika;
2. Pododjeljenje za pravne, administrativne i zajedničke poslove.

Organizacionim planom Odjeljenja su predviđena 34 zaposlenika, a na dan 31.12.2015. godine bila su 32 zaposlenika.

Odjeljenje je smješteno u vlastitom prostoru na adresi Islahijet br.7 u Brčkom.

### **4. PREDMET, CILJ I OBIM REVIZIJE**

**Predmet revizije** je finansijsko poslovanje Odjeljenja za 2015. godinu, u dijelu planiranja i izvršenja budžeta, ocjena sistema internih kontrola, kao i usklađenost poslovanja iz svoje nadležnosti sa zakonskim i drugim relevantnim propisima.

**Cilj revizije** finansijskog poslovanja Odjeljenja je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje obavljeno u skladu sa zakonskim važećim propisima, kao i primjerenog ponašanja rukovodioca Odjeljenja nad sredstvima i imovinom Brčko distrikta BiH. Pored toga, revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

**Obim revizije** je utvrđen internim planskim dokumentima revizije.

S obzirom da se revizija obavlja ispitivanjima na bazi uzoraka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške mogu ostati neotkrivene.

## **5. OSVRT NA NALAZE I PREPORUKE IZ PRETHODNE REVIZIJE**

Na osnovu preporuka iz Izvještaja o obavljenoj reviziji finansijskog poslovanja Odjeljenja za 2014. godinu, Odjeljenje je sačinilo Akcioni plan za otklanjanje nedostataka po navedenom izvještaju broj: 13-002441/15 od 31.08.2015. godine, koji je Odlukom od 11.09.2015. godine usvojen od strane Vlade Brčko distrikta BiH.

Osvrtom na preporuke revizije date u Izvještaju o obavljenoj reviziji finansijskog poslovanja za 2014. godinu te uvidom u preduzete aktivnosti utvrdili smo sljedeće:

- Realizovane preporuke

Donesen je Akcioni plan za otklanjanje uočenih nedostataka po Izvještaju o reviziji za 2014. godinu.

U okviru planiranih zakonodavnih aktivnosti usvojen je Zakon o dopuni Zakona o vraćanju napuštene imovine.

- Nerealizovane preporuke

Po Javnom pozivu iz 2014. godine, vršena je dodjela sredstava tekućih grantova pojedincima, iako isti nisu ispunjavali opće kriterije koji su obavezujući i eliminatorni.

Odabir korisnika pomoći u obnovi stambenih jedinica po Javnom pozivu iz 2014. godine nije izvršen u predviđenom roku.

Prilikom realizacije Programa za otklanjanje i ublažavanje posljedica nastalih elementarnim nepogodama Vlade Brčko distrikta BiH, Odjeljenje nije utvrdilo mjerljive i precizne kriterije, kao i način dokazivanja kategorizacije oštećenog objekta, te navedeni program nije realizovan u propisanom roku.

Obrazloženja o realizaciji tekućeg i kapitalnog budžeta po kvartalima ne sadrže najvažnije uzroke odstupanja izvršenja u odnosu na isti period prethodne godine i mjere koje će biti preduzete radi otklanjanja eventualnih poremećaja.

## **6. NALAZI I PREPORUKE**

### **6.1. Rukovodstvo i sistem internih kontrola**

Sistem internih kontrola u Odjeljenju je uspostavljen Organizacionim planom, Pravilnicima o internoj kontroli, kao i Odlukom o imenovanju lica zaduženih za postupak nadgledanja i provođenja internih kontrolnih postupaka. Odgovornost za uspostavljanje i primjenu sistema internih kontrola je obaveza rukovodstva Odjeljenja. Pravilnicima o internim kontrolama –



internim kontrolnim postupcima rukovodstvo je normativno definisalo kontrolne postupke, postupke informisanja i komunikacije i procjenu rizika za sve poslovne aktivnosti koje se odvijaju u Odjeljenju.

Izvršili smo procjenu funkcionisanja sistema internih kontrola kako bi se uvjerali da li uspostavljene interne kontrole osiguravaju tačnu i potpunu primjenu i usklađenost sa zakonima i propisima, ekonomično, efikasno i efektivno trošenje i zaštitu javnog novca.

Utvdili smo da se tokom 2015. godine, pojedine kontrolne aktivnosti nisu provodile prilikom:

- Popunjavanja upražnjene pozicije rukovodećeg državnog službenika.
- Realizacije: programa stambenog zbrinjavanja Roma, stambenog zbrinjavanja nosioca stanarskog prava (**u daljem tekstu NSP**); naknada za uništene stanove, zajednički projekti sa Ministarstvom za ljudska prava i izbjeglice BiH (**u daljem tekstu MLJPI BiH**).
- Sačinjavanja Kvartalnih obrazloženja o izvršenju budžeta, jer ista ne sadrže najvažnije uzroke odstupanja izvršenja u odnosu plan i na isti period prethodne godine, kao i mjere koje će biti preduzete radi otklanjanja eventualnih poremećaja, kako je predviđeno Pravilnikom o finansijskom izvještavanju i godišnjem obračunu budžeta.
- Realizacije dijela sredstava tekućih grantova namijenjenih za: Obnovu individualnih stambenih objekata raseljenih lica i povratnika u Brčko distrikt BiH, Izgradnju i sanaciju kuća oštećenih u elementarnim nepogodama (poplave/klizišta) u periodu April-Maj 2014. godine i Stambeno zbrinjavanje Roma u Brčko distriktu BiH.

Zbog uočenih nepravilnosti, smatramo da interne kontrole u Odjeljenju nisu funkcionisale u dijelu usklađenosti poslovanja sa zakonskim i podzakonskim propisima i realizacije Programa rada koji se odnosi na raspodjelu grantova.

***Potrebno je obezbijediti uspostavu i dosljedno funkcionisanje internih kontrola pri popunjavanju upražnjene pozicije rukovodećeg državnog službenika, pri dodjeli grantova za obnovu stambenih jedinica raseljenih lica i povratnika i sanaciju objekata oštećenih elementarnim nepogodama.***

## 6.2. Usklađenost sa zakonskim propisima

Odredbama člana 49 stav 1 Zakona o državnoj službi („Službeni glasnik Brčko distrikta BiH“ broj: 9/14 i 37/15) propisano je da se popunjavanje upražnjenog radnog mjesta rukovodećeg državnog službenika, vrši imenovanjem vršioca dužnosti. Stavom 5 člana 49 istog Zakona regulisano je da se javni konkurs mora raspisati najkasnije u roku od 30 dana od dana kada je radno mjesto upražnjeno.

Radno mjesto šefa Pododjeljenja za pravne, administrativne i zajedničke poslove, koje je upražnjeno odlaskom zaposlenika u penziju 01.08.2014. godine, je popunjeno privremenim premještajem zaposlenika. Premještaj je izvršen na osnovu rješenja broj: 33-001644/14 od 04.08.2014. godine, počev od 01.08.2014. godine, a najduže na 12 mjeseci. Konkurs za popunjavanje navedenog radnog mjesta je raspisan 08.05.2015. godine i isti je odlukom Odbora za zapošljavanje poništen 15.06.2015. godine.

Rješenjem o privremenom premještaju od 10.09.2015. godine, izvršeno je produženje privremenog premještaja na navedenoj poziciji od 01.08.2015. godine, dok se ne izvrši usklađivanje Organizacionog plana Odjeljenja sa Odlukom o kategorizaciji radnih mjesta u organima javne uprave Brčko distrikta BiH i dok se ne izvrši popunjavanje radnog mjesta šefa Pododjeljenja.

Revizijom smo utvrdili da je popunjavanje upražnjene pozicije rukovodećeg državnog službenika izvršeno privremenim premještajem, kao i da javni konkurs za popunjavanje upražnjelog radnog mjesta nije raspisan u Zakonom predviđenom roku, što nije u skladu sa odredbama člana 49 stav 1 i 5 Zakona o državnoj službi.

Rješenje o produžavanju privremenog premještaja je doneseno 10.09.2015. godine, dakle nakon isteka roka propisanog prvobitnim rješenjem i primjenjuje se od 01.08.2015. godine, odnosno retroaktivno.

***Potrebno je popunjavanje upražnjene pozicije rukovodećeg službenika vršiti dosljednom primjenom Zakona o državnoj službi, u dijelu poštivanja načina popunjavanja i rokova za raspisivanje javnog konkursa.***

***Potrebno je blagovremeno donijeti Rješenje o produžavanju privremenog premještaja.***

### 6.3. Plan i realizacija planom predviđenih zadataka

Odjeljenje je, u skladu sa svojim nadležnostima, izradilo Program rada za 2015. godinu sa predviđenih dvadeset ciljeva, odnosno oblasti djelovanja u 2015. godini i dostavilo ga Vladi Brčko distrikta BiH. U skladu sa planiranim ciljevima, po isteku godine Odjeljenje je izradilo Izvještaj o radu u kojem su za svaki planirani cilj obrađene aktivnosti koje su provedene tokom godine.

Iz Izvještaja o radu je vidljivo da je Odjeljenje tokom 2015. godine provodilo aktivnosti vezane za izgradnju i sanaciju kuća oštećenih u elementarnim nepogodama u periodu april/maj /avgust 2014. godine, zatim realizaciju programa obnove individualnih stambenih objekata raseljenih lica i povratnika na području Brčko distrikta, stambeno zbrinjavanje NSP; naknada za uništene stanove, stambeno zbrinjavanje raseljenih lica koja se žele integrisati na nivou lokalne zajednice, zajednički projekti sa MLJPI BiH, programi stambenog zbrinjavanja Roma (ukupno pet), programi priključenja na elektro i vodovodnu mrežu, izgradnja zgrade sa 10 stanova po sistemu socijalnog stanovanja, izgradnja gradskog cjevovoda MZ Ulice i MZ Klanac, projekat zatvaranja kolektivnih centara, projekat Saudijskog razvojnog fonda i drugi.

Od planom predviđenih projekata realizovano je deset. Nisu realizovani programi stambenog zbrinjavanja Roma (četiri od pet planiranih), stambeno zbrinjavanje NSP; naknada za uništene stanove, zajednički projekti sa MLJPI BiH a djelimično je realizovan Program obnove stambenih jedinica i program izgradnje i sanacije kuća oštećenih u elementarnoj nepogodi, Priključci na elektro i vodovodnu mrežu i drugi.

Odjeljenje je realizovalo planiranu zakonodavnu aktivnost, odnosno usvojen je Zakon o dopuni Zakona o vraćanju napuštene imovine (Službeni glasnik broj: 42/15). Međutim, sredstva planirana za navedene namjene nisu utrošena.

***Potrebno je da Odjeljenje realizuje planirane projekte iz svoje nadležnosti, predviđene Programom rada za 2015. godinu.***

### 6.4. Prihodi i primici

Odjeljenje je tokom 2015. godine ostvarilo prihod u iznosu od **147.128,00 KM** koji se odnosi na primljeni grant od zajedničkih institucija BiH na ime stambenog zbrinjavanja Roma u Brčko distriktu BiH u iznosu od 120.000,00 KM, zatim na vraćena sredstva korisnika pomoći za obnovu stambenih jedinica u iznosu od 20.960,00 KM i na povrat isplaćenih a neutrošenih grantova iz ranijih godina u iznosu od 6.168,00 KM.

## 6.5. Planiranje i izvršenje budžeta

Odjeljenju je odobren budžet u iznosu od 11.723.384,10 KM od čega se na tekući budžet odnosi iznos od **11.695.994,32** KM i na kapitalni iznos od **27.389,78** KM.

Izvršenje tekućeg budžeta Odjeljenja za period 01.01.-31.12.2015. godine iznosi **9.453.587,77** KM ili **80,83** % planiranih sredstava.

Nizak procent realizacije tekućeg budžeta ukazuje na neadekvatno planiranje budžeta koje se zasniva na prethodnom iskustvu, postavljenim ciljevima i zadacima, kao i ostvarivanju osnovne funkcije Odjeljenja. Na nizak procent realizacije tekućeg budžeta uticalo je neizvršavanje programskih zadataka Odjeljenja, i to u okviru tekućih grantova pojedincima gdje nije realizovan program stambenog zbrinjavanja Roma, a djelimično su realizovani program obnove stambenih jedinica i program izgradnje i sanacije kuća oštećenih u elementarnoj nepogodi (Tabela 2 u Prilogu Izvještaja).

Članom 21. Pravilnika o finansijskom izvještavanju i godišnjem obračunu budžeta je utvrđena obaveza budžetskih korisnika da, na zahtjev Direkcije za finansije, uz izvještaj o realizaciji budžeta, dostave tekstualni dio sa obrazloženjem strukture troškova, uzroka neproporcionalnog izvršenja godišnjeg plana i ocjenu očekivanog rezultata na kraju godine, najvažnije uzroke odstupanja izvršenja u odnosu na isti period prethodne godine i mjere koje će biti preduzete radi otklanjanja eventualnih poremećaja.

Revizijom smo ustanovili da obrazloženja o realizaciji tekućeg i kapitalnog budžeta Odjeljenja po kvartalima, predstavljaju opis planiranih i ostvarenih podataka prikazanih u tabeli u tekstualnoj formi, bez obrazloženja uzroka neproporcionalnog izvršenja godišnjeg plana i ocjenu očekivanog rezultata na kraju godine. Osim navedenog, pomenuta obrazloženja ne sadrže najvažnije uzroke odstupanja izvršenja u odnosu na isti period prethodne godine i mjere koje će biti preduzete radi otklanjanja eventualnih poremećaja, kako je predviđeno Pravilnikom o finansijskom izvještavanju i godišnjem obračunu budžeta.

*Potrebno je da Odjeljenje prilikom sačinjavanja obrazloženja o realizaciji budžeta dosljedno primijeni odredbe Pravilnika o finansijskom izvještavanju i godišnjem obračunu budžeta, a naročito u dijelu obuhvatanja svih prihoda i primitaka, kao i rashoda i izdataka koji se odnose na tekuću godinu i suštinskog obrazloženja uzroka i posljedica odstupanja značajnih pozicija u odnosu na plan i izvršenje prethodne godine.*

### 6.5.1. Tekući grantovi

**Tekući grantovi pojedincima**, odobreni su u iznosu od **11.013.477,00** KM, a realizovani su u iznosu od **8.813.351,24** KM, što čini **80,02** % planiranih sredstava. U Tabeli broj 2 (Struktura planiranih i ostvarenih tekućih izdataka po pozicijama za 2015. godinu) prikazano je izvršenje tekućih grantova u iznosu od **8.822.293,34** KM, a razlika u iznosu od **8.942,10** KM je nastala zbog pogrešnog knjigovodstvenog evidentiranja projekta „Priključak na vodovod i NN mrežu za objekte koji su prošli program rekonstrukcije“ na tekuće grantove, umjesto na odgovarajući analitičku poziciju u okviru ekonomskog koda 613900 (ugovorene usluge) gdje je navedeni projekat bio i planiran.

U narednom tabelarnom pregledu data je struktura planiranih i ostvarenih tekućih grantova:

Tabela br. 1

R. br.	OPIS	Planirano	Ostvareno	% realizacije
1	Obnova individualnih stambenih objekata raseljenih lica i povratnika u Brčko distrikt BiH	1.000.000,00	576.601,00	57,66
2	Stambeno zbrinjavanje raseljenih lica koja se žele integrisati na nivou lokalne zajednice	250.000,00	247.390,00	98,96
3	Izgradnja i sanacija kuća oštećenih u elementarnim nepogodama (poplave/klizišta) u periodu April-Maj 2014.godine	8.454.000,00	7.567.100,00	89,51
4.	Stambeno zbrinjavanja Roma u Brčko distriktu BiH	384.977,00	113.569,95	29,50
5.	Naknada sredstava NSP-a za uništene stanove, a čije je pravo potvrđeno Rješenjem nadležnog organa	450.000,00	0	0
6.	Zajednički projekti sa Ministarstvom za ljudska prava i izbjeglice- Sarajevo	250.000,00	250.000,00	100,00
7.	Grant od zajedničkih institucija - Fond za povratak	4.500,00	4.500,00	100,00
8.	Priključenje na elektro i vodovodnu mrežu licima koja zbog klizišta grade kuće na novim lokacijama	15.000,00	11.153,28	74,36
9.	Priključci na vodovodnu mrežu u MZ Dubravice	30.000,00	29.951,72	99,84
10.	Priključenje na vodovodnu mrežu u MZ Broduša, rješavanje problema nacionalnih manjina (Romi) i poboljšavanje uslova za stanovanje	30.000,00	13.085,29	43,62
11.	Priključci na elektro i vodovodnu mrežu u MZ "Šatorovići" zaseok Samarić, Maholjaši i Koreja	25.000,00	0	0
12.	Grant za stambeno zbrinjavanje Roma u Brčko distriktu BiH"	120.000,00	0	0
7	<b>Ukupno tekući grantovi pojedincima (1+2+...+12)</b>	<b>11.013.477,00</b>	<b>8.813.351,24</b>	<b>80,02</b>

Odjeljenju je, na poziciji grantovi pojedincima, Budžetom za 2015. godinu odobreno 11.013.477,00 KM a realizovano 8.813.351,24 KM, ili 80,02%. Od odobrenog iznosa se 8.454.000,00 KM odnosi na izgradnju i sanaciju kuća oštećenih u elementarnim nepogodama (poplava/klizište) u periodu april/maj 2014. godine, 1.000.000,00 KM za obnovu individualnih stambenih objekata raseljenih lica i povratnika u Brčko distrikt BiH, 450.000,00 KM kao naknada sredstava NSP-a za uništene stanove, 384.977,00 KM na stambeno zbrinjavanje Roma u Brčko distriktu BiH i ostalo u iznosu od 724.500,00 KM.

**1. Za projekat Obnove individualnih stambenih objekata raseljenih lica i povratnika u Brčko distrikt BiH, budžetom je odobreno 1.000.000,00 KM, a realizovano 576.601,00 KM, odnosno 57,66 % odobrenog budžeta. Cjelokupan iznos realizovanih sredstava odnosi se na listu korisnika odabranu po Javnom pozivu za rekonstrukciju stambenih jedinica iz 2014. godine.**

Za odabir korisnika po Javnom pozivu za obnovu objekata raseljenih lica i povratnika za 2014. godinu, imenovana je prvostepena i drugostepena komisija (Odluka gradonačelnika broj: 05-000842/14 od 02.09.2014. godine) sa zadatkom da izvrši odabir korisnika i rokom za izvršenje odabira do 15.11.2014. godine.

Revizijom smo ustanovili da je Lista korisnika projekta obnove individualnih stambenih objekata raseljenih lica i povratnika u Brčko distriktu BiH, broj: 22-000546/14 sačinjena 29.12.2015. godine, što nije u skladu sa Odlukom gradonačelnika, u dijelu poštivanja roka.

***Potrebno je odabir korisnika izvršiti u roku predviđenom Odlukom gradonačelnika.***

Na osnovu **Javnog poziva** za podnošenje zahtjeva za obnovu objekata raseljenih lica i povratnika **za 2014.** godinu koji je objavljen 04.03.2014. godine, Ugovori o obnovi stambenog objekta sa korisnicima su zaključeni tek 31.12.2015. godine.

Javnim pozivom su, kao i prethodnih godina, predviđeni opći i posebni kriteriji za sve potencijalne korisnike u skladu sa članom 22 Zakona o izbjeglicama iz BiH i raseljenim licima u BiH (Službeni glasnik BiH, brojevi: 23/99, 21/03 i 33/03) i članom 3 i 4 Uputstva o načinu i procedurama odabira korisnika projekta povratka i rekonstrukcije stambenih jedinica BiH (Službeni glasnik BiH, broj: 48/06). U okviru općih kriterija, koji su eliminatorni i obavezujući, Odjeljenje je propisalo da korisnici programa mogu biti izbjegla lica iz BiH, raseljena lica u BiH ili povratnici. Navedeni status se dokazuje potvrdom nadležnog organa o statusu.

Uvidom u dokumentaciju o dodjeli grantova utvrdili smo da korisnici sredstava nisu ispunili opće kriterije u dijelu:

- dokazivanja statusa raseljenog lica, izbjeglice ili povratnika,
- predočavanja potvrde da su 30.04.1991. godine imali prebivalište u stambenoj jedinici koja je predmet obnove,
- dokazivanja da se stambena jedinica smatra neuslovnom za stanovanje u skladu sa odgovarajućim standardima o minimumu stambenih uslova,
- dokazivanja da korisnik i članovi njegovog domaćinstva od 1991. godine nemaju na teritoriji BiH drugu stambenu jedinicu koja se smatra uslovnom za stanovanje u skladu sa odgovarajućim standardima o minimumu stambenih uslova.

Na osnovu navedenog, smo ustanovili da su pojedinim korisnicima sredstava dodjeljivana, iako isti nisu ispunjavali uslove iz općih kriterija koji su obavezujući i eliminatorni, kako je to propisano Zakonom o izbjeglicama iz BiH i raseljenim licima u BiH i Uputstvom o načinu i procedurama odabira korisnika projekta povratka i rekonstrukcije stambenih jedinica BiH i Javnim pozivom za 2014. godinu. Dodjela sredstava korisnicima koji ne ispunjavaju obavezujuće – eliminatorne kriterije, su utrošena mimo odredaba člana 3 Zakona o budžetu Brčko distrikta BiH i člana 9 stav (2) Zakona o izvršenju budžeta za 2015. godinu. U smislu člana 24 stav (2) (Odgovornost u izvršavanju budžeta), Zakona o budžetu Brčko distrikta BiH i člana 10 stav (2) Zakona o izvršenju budžeta za 2015. godinu, Odjeljenje je odgovorno da obezbijedi zakonitost, svrsishodnost, efikasnost i ekonomično raspolaganje odobrenim budžetom.

***Potrebno je, prilikom odabira korisnika u projektu obnove individualnih stambenih objekata raseljenih lica i povratnika, poštivati opće i posebne kriterije propisane Zakonom o izbjeglicama iz BiH i raseljenim licima u BiH i Uputstvom o načinu i procedurama odabira korisnika projekta povratka i rekonstrukcije stambenih jedinica BiH.***

***Potrebno je dosljedno poštivati odredbe Zakona o budžetu Brčko distrikta BiH i Zakona o izvršenju budžeta za 2015. godinu, u dijelu namjenskog trošenja sredstava, zakonitog, efikasnog i ekonomičnog raspolaganja odobrenim budžetom.***

**Javni poziv** za podnošenje zahtjeva za obnovu objekata raseljenih lica i povratnika **za 2015.** godinu objavljen je 29.06.2015. godine.

Javnim pozivom iz 2015. godine su propisani isti opći i posebni kriteriji, kao prethodnih godina. Prema općim, koji su istovremeno i eliminatorni kriteriji, korisnik pomoći treba dokazati status izbjeglice iz BiH, raseljene osobe u BiH ili povratnika. Dokument kojim se

dokazuje navedeni status, prema javnom pozivu, je ovjerena izjava podnosioca zahtjeva o statusu raseljenog lica ili povratnika.

Stavom 6 člana 20 (Izvršenje tekućih grantova) Zakona o izvršenju budžeta Brčko distrikta BiH je regulisano da se izdaci za tekuće grantove za rekonstrukciju stambenih jedinica vrše u skladu s općim i posebnim kriterijima utvrđenim Zakonom o izbjeglicama iz BiH i raseljenim licima u BiH i Uputstvom o načinu i procedurama odabira korisnika projekta povratka i rekonstrukcije stambenih jedinica, javnim pozivom. Član 4 navedenog Uputstva propisuje da se kao dokumenti kojima se dokazuje ispunjavanje općih kriterija da je potencijalni korisnik pomoći izbjeglica iz BiH, raseljena osoba u BiH ili povratnik, **je potvrda nadležnog organa o statusu.**

Revizijom smo ustanovili da ovjerena izjava kojom se dokazuje status raseljenog lica ili povratnika, koja je predviđena Javnim pozivom za 2015. godinu, nije u skladu sa članom 4 Uputstva o načinu i procedurama odabira korisnika projekta povratka i rekonstrukcije stambenih jedinica, te da kao takva ne može biti osnov za dodjelu sredstava.

Javni poziv je otvoren 30 dana i trajao je do 29.07.2015. godine. Nakon zatvaranja Javnog poziva gradonačelnik je, na prijedlog Odjeljenja, donio Odluku o imenovanju prvostepene i drugostepene komisije za odabir korisnika projekta obnove. Odlukom nije predviđen rok za izvršavanje zadatka komisije, odnosno za odabir korisnika projekta, što je Odlukom iz prethodne godine, za Javni poziv iz 2014. godine bilo regulisano.

Do okončanja naše revizije odabir kandidata nije izvršen, niti je sačinjena preliminarna lista korisnika projekta obnove. Odjeljenje nije efikasno raspolagalo odobrenim budžetskim sredstvima za ove namjene, što nije u skladu s odredbama člana 10 stava 2 Zakona o izvršenju budžeta za 2015. godinu.

***Potrebno je poštivati odredbe Zakona o izvršenju budžeta Brčko distrikta BiH za 2015. godinu, u dijelu efikasnog upravljanja odobrenim budžetskim sredstvima.***

2. Za izgradnju i sanaciju kuća oštećenih u elementarnim nepogodama (poplava/klizište) u periodu april/maj 2014. godine Odjeljenju je odobren iznos od 8.454.000,00 KM. Do kraja 2015. godine realizovan je iznos od 7.567.100,00 KM ili 89,51%. Kriteriji kao i način dokazivanja kategorizacije oštećenog objekta su predviđeni Programom za otklanjanje i ublažavanje posljedica nastalih elementarnim nepogodama broj: 43-000682/14 od 29.08.2014. godine (u daljem tekstu Program). Istim je definisano da će Odjeljenje u roku od 30 dana od dana usvajanja programa zaključiti pojedinačne ugovore sa korisnicima. Revizijom smo utvrdili da su Ugovori zaključeni sa 675 korisnika, a da još uvijek nisu riješeni prigovori, niti su svi pojedinačni ugovori po objavljenom spisku korisnika, zaključeni, iako je prošlo više od godine dana.

***Potrebno je dosljedno poštivati Program za otklanjanje i ublažavanje posljedica nastalih elementarnim nepogodama u dijelu predviđenih rokova za zaključivanje ugovora.***

Program je usvojen od strane Skupštine, 03.09.2014. godine, na prijedlog Vlade Brčko distrikta BiH, a u okviru Programa je usvojen i **Spisak korisnika** razvrstanih po kategorijama oštećenja stambenih objekata.

Programom su predviđena sredstva i mjere za izgradnju i sanaciju kuća koje su evidentirane kao djelimično oštećene ili uništene u elementarnoj nepogodi. Istim je utvrđeno da je usljed elementarnih nepogoda oštećeno 714 stambenih objekata a koji se shodno kriterijima za provedbu mogu svrstati u tri kategorije, i to I kategorija 33.000,00 KM, II kategorija

15.000,00 KM i III kategorija 10.000,00 KM, s tačno određenim brojem oštećenih stambenih objekata po svakoj kategoriji. Propisano je da je obim pomoći zavisao od kategorije oštećenosti objekta i da stepen oštećenosti utvrđuje stručna komisija.

Revizijom smo ustanovili da je broj oštećenih objekata varirao po kategoriji i u ukupnom broju korisnika. Kriteriji za određivanje kategorije nisu precizirani, tako da je teško dokazati kojoj kategoriji oštećenosti pripada određeni stambeni objekat. Također, kriterijima nije propisano na koji način se dokazuje da vlasnik objekta ima drugu uslovnu imovinu, odnosno da navedeni objekat koristi povremeno, te da pripada III kategoriji.

Usvojenim Programom nisu dovoljno jasno i precizirano dati kriteriji za dodjelu sredstava, niti način dokazivanja pripadnosti određenoj kategoriji, te je iz tog razloga ostavljena mogućnost da Komisija na subjektivan način određuje korisnike i pripadnost kategoriji.

U prilog navedenoj tvrdnji je činjenica da su na objavljeni spisak uloženi prigovori, te da je Gradonačelnik svojim dopisom od 18.11.2014. godine, tražio da se prije isplate druge tranše izvrši uvid u račune za struju godinu dana prije poplava, kako bi se ustanovilo da li je na tim adresama uistinu vlasnik i živio.

***Potrebno je da Odjeljenje definiše mjerljive i precizne kriterije, kao i način dokazivanja kategorizacije oštećenog objekta, kako bi se zadaci predviđeni Programom za otklanjanje i ublažavanje posljedica nastalih elementarnim nepogodama u roku, efikasnije i efektivnije izvršili.***

Programom su određene **lokacija područja** (mjesne zajednice) na kojima se provode mjere otklanjanja i ublažavanja posljedica na stambenim objektima, a posebno su definisana područja na kojima su stambeni objekti totalno uništeni ili ugroženi klizištem. Za dokazivanje I (prve) kategorije oštećenosti objekta od klizišta, Programom je definisano, da je nadležni organ za takav objekat izdao rješenje o zabrani korištenja stambenog objekta.

Revizijom smo ustanovili da je korisnik svrstan u I kategoriju oštećenja i da mu je na osnovu Ugovora o isplati novčanih sredstava, od 31.12.2015. godine, isplaćen cjelokupan iznos od 33.000,00 KM predviđen za I kategoriju oštećenja stambenog objekta. Uvidom u predmet i postupak dokazivanja kategorizacije oštećenja objekta, ustanovili smo da se radi o stambeno-poslovnom objektu, te da u prilogu spisa nije priloženo rješenje o zabrani korištenja stambenog objekta, Osim toga, navedeni stambeno-poslovni objekat se ne nalazi na lokaciji područja (mjesnoj zajednici) koja je definisana Programom, niti je korisnik bio na Spisku korisnika razvrstanih po kategorijama oštećenja, koji je 11.09.2014. godine objavljen od strane Odjeljenja. Korisniku su tek nakon uloženog Prigovora na Spisak od 14.08.2014. godine, dodijeljena sredstva.

Odjeljenje prilikom isplate sredstava po Ugovoru o isplati novčanih sredstava broj: 22-002628/14 od 31.12.2015. godine, nije poštivalo kriterije utvrđene Programom.

Programom su definisani „Način i obim provedbe mjera, kao i kriteriji za provedbu“. U skladu s navedenim, obaveza korisnika je da isplaćena novčana sredstva namjenski utroši na obnovu stambenog objekta oštećenog elementarnim nepogodama. Obim pomoći će zavisiti od kategorije oštećenosti.

Uvidom u dokumentaciju ustanovili smo da je sa određenim brojem korisnika zaključen ugovor o isplati novčanih sredstava namijenjenih za kupovinu stambenog objekta, što Programom nije bilo predviđeno. Pojedini korisnici su sredstva trošili za dogradnju i izgradnju novih objekata, a ne na sanaciju postojećih stambenih objekata. Pojednim korisnicima su odobrena sredstva III kategorije oštećenosti za sanaciju „poslovnog objekta“, iako Programom nije bila predviđena sanacija poslovnih objekata. Sredstva su dodijeljena za sanaciju objekta čiji vlasnik ima drugu uslovnu imovinu, a da se iz priložene dokumentacije nismo mogli uvjeriti

da se radi o stambenom objektu, jer nisu priloženi računi koji dokazuju potrošnju električne energije.

Dio sredstava za izgradnju i sanaciju kuća oštećenih u elementarnim nepogodama (poplava/klizište) u periodu april/maj 2014. godine dodijeljen je korisnicima koji nisu ispunjavali uslove predviđene Programom.

Članom 9 stavom 2 Zakona o izvršenju budžeta za 2015. godinu, regulisano je da budžetski korisnici sredstva koriste samo za namjene koje su određene budžetom, a odredbama člana 10 stava 2, istog Zakona, propisano je da su budžetski korisnici odgovorni za zakonitost, svrsishodnost i efikasnost u raspolaganju budžetskim sredstvima. Odjeljenje je odgovorno da obezbijedi zakonitost, svrsishodnost i efikasnost u raspolaganju odobrenim budžetom za ove namjene.

***Potrebno je poštivati Zakon o izvršenju budžeta i Program u dijelu namjene korištenja sredstava grantova.***

**3. Za projekat Stambeno zbrinjavanje Roma** u Brčko distriktu BiH planirana su sredstva u iznosu od 384.977,00 KM, a realizovana u iznosu od 113.569,95 KM ili 29,50% u odnosu na planirana sredstva.

Navedena sredstva sastoje se iz udruženih sredstava Vlade Brčko distrikta BiH i Ministarstva za ljudska prava i izbjeglice BiH i to:

- Ministarstvo za ljudska prava i izbjeglice BiH u iznosu od 120.000,00 KM,
- budžet Brčko distrikta BiH iz 2014. godine 30.000,00 KM,
- sredstva preostala iz ranijeg perioda u iznosu od 234.977,00 KM.

Za odabrane korisnike programa stambenog zbrinjavanja Roma u decembru 2014. godine je potpisan Ugovor o izvođenju radova za izgradnju/sanaciju stambenih objekata u iznosu od 122.256,86 KM. Članom 7 Ugovora je definisan rok za izvršenje radova od 90 kalendarskih dana, od dana uvođenja u posao od strane naručioca.

Prilikom uvođenja izvođača u posao konstatovani su problemi i to: preko dijela jednog stambenog objekta prelazi trasa 10 kW dalekovoda, na građevinskom zemljištu vlasnika drugog objekta nije izvršeno iskolčenje objekta, dok je na objektu trećeg vlasnika neophodno izvršiti privremeno izmještanje niskonaponske mreže.

Revizijom smo ustanovili da su radovi završeni na pet objekata, a da je na šestom objektu, koji je također bio predmet ugovora, odabrani korisnik u vlastitoj režiji postavio krovnu konstrukciju i krovni pokrivač.

Od ugovorene vrijednosti realizovan je iznos od 113.569,95 KM, a na osnovu Aneksa ugovora o izvođenju radova broj: 13-002619/14 od 23.12.2015. godine, odnosno u manjem iznosu u odnosu na osnovni ugovor, zbog činjenice da je jedan od odabranih korisnika ličnim sredstvima izvodio radove na svom objektu, prije uvođenja Izvođača u posao.

Odjeljenje nije izvršilo pripreme radnje, odnosno nije obezbijedilo neophodne uslove prije uvođenja Izvođača u posao, kako bi predmetni radovi bili izvedeni u ugovorenom roku.



***Potrebno je obezbijediti neophodne uslove, odnosno izvršiti pripremne radnje prije uvođenja Izvođača u posao, kako bi predmetni radovi bili izvedeni u ugovorenom roku.***

## 7. KOMENTAR

Odjeljenju je uručen Nacrt Izvještaja o reviziji finansijskog poslovanja za 2015. godinu broj: 01-02-03-13-126/16 na razmatranje i dostavljanje eventualnih novih dokaza i komentara na nalaze revizije. U ostavljenom roku od 15 dana, Odjeljenje se nije očitovalo, tako da naše mišljenje dato u Nacrtu ostaje nepromijenjeno.

Tim za reviziju:

Envera Imamović, dipl. oec.

Amra Mehić, dipl. oec.

## **PRILOG**

Struktura planiranih i ostvarenih tekućih izdataka po pozicijama 2015. godine

Tabela br. 2

Ekonom. kod	Naziv ekonomskog koda	Izvršenje tekućeg budžeta sa 31.12.2014.	Planirani tekući budžet 31.12.2015.	Izvršenje tekućeg budžeta 31.12.2015. g.	Procent izvršenja tekućeg budžeta
1	2	3	4	5	6
611000	<b>Plate i naknade troškova zaposlenih</b>	<b>564.142,59</b>	<b>556.032,52</b>	<b>550.414,08</b>	<b>80,83</b>
611100	Bruto plate i naknade	544.979,68	550.243,02	547.841,08	99,56
611200	Naknade troškova zaposlenih	19.162,91	5.789,50	2.573,00	44,44
612100	<b>Doprinos na teret poslodavca</b>	<b>21.557,54</b>	<b>22.459,80</b>	<b>22.138,80</b>	<b>98,57</b>
	<b>UKUPNO PLATE I NAKNADE</b>	<b>585.700,13</b>	<b>578.492,32</b>	<b>572.552,88</b>	
613000	<b>Izdaci za materijal i usluge</b>	<b>86.010,46</b>	<b>104.025,00</b>	<b>67.683,65</b>	<b>65,06</b>
613100	Putni troškovi	2.431,00	3.810,00	2.737,00	71,84
613200	Izdaci za energiju	17.857,80	16.290,00	16.204,90	99,48
613300	Izdaci za komunalne usluge	7.479,60	8.550,00	7.648,02	89,45
613400	Nabavka materijala	6.923,49	7.100,00	4.075,01	57,39
613500	Izdaci za usluge prevoza i goriva	8.839,25	7.900,00	6.028,49	76,31
613700	Izdaci za tekuće održavanje	8.827,28	8.000,00	5.985,12	74,81
613800	Izdaci osiguranja, bankarskih usluga i usluga platnog prometa	2.479,69	3.200,00	2.847,22	88,98
613900	Ugovorene usluge	31.172,35	49.175,00	13.215,79	26,88
614000	<b>TEKUĆI GRANTOVI</b>	<b>9.886.220,00</b>	<b>11.013.477,00</b>	<b>8.822.293,34</b>	<b>80,10</b>
614200	Grantovi pojedincima	9.886.220,00	11.013.477,00	8.822.293,34	80,10
	<b>UKUPAN TEKUĆI BUDŽET</b>	<b>10.557.930,59</b>	<b>11.695.994,32</b>	<b>9.453.587,77</b>	<b>80,83</b>

### Budžet kapitalnih potreba

Tabela broj 3.

God.	Planirani kapitalni budžet po godinama	Izvršenje kapitalnog budžeta do 01.01.2015.g.	Izvršenje kapit. budžeta u 2015. god.	Izvršeno na dan 31.12.2015. godine (4+5)	Neurošena planirana sredstava na dan 31.12.2015. (3-4-5)	% izvršenja na dan 31.12.2015 (6/3 x 100)	% izvršenja po god. Na dan 31.12. tekuće god. izv.tek/pl. tek.
1	3	4	5	6	7	8	9
2013.	15.000,00	14.995,00	-	14.995,00	5,00	99,97	99,97
2014.	105.810,22	100.000,00	5.810,22	105.810,22	-	100,00	94,51
2015.	27.389,78	0,00	17.889,52	17.889,52	9.500,26	65,31	-
<b>Ukupno</b>	<b>148.200,00</b>	<b>114.995,00</b>	<b>23.699,74</b>	<b>138.694,74</b>	<b>9.505,26</b>	<b>93,59</b>	<b>-</b>